

واللي بيدور مصانع
واللي بيخضر براري
واللي سلك ف المجاري
لو قلت حد فيهم
مش هانا قشك
خلاص غلب حماري

.....
إسمك على كفي

كاتب إسمك على كفي
راسم صورتك على صدري
واخذ كل اللي بيحبك
هنا ف حضني
نيلك دمي ف شراييني
طينك أصل تكويني
لكن بيا لمني

ناس منك بتا ديني
وتطعن حتى في أصول ديني
وترميني ف متاهة
وسكة الشك تاخذ مداها
وتأذيكي وتأذيني
وأنا ابنك
ماليش غير حضنك يد فيني
في الشدة أكون جمبك
وساعات ف الضحكة
تنسيني
لكن يريّحني
لما الهم يغلبني
شمسك تصحّيني
انا ابنك .. فضميني

.....